



RELATÓRIU TRIMESTRÁL FUNDU MINA-RAI NIA
Trimester ne'ebé termina iha 30 Setembru 2014
KOMUNIKADU IMPRENSA

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba dala Tolu nulu resin hitu ba trimestre ne'ebé termina iha lora 30 fulan Setembru tinan 2014. Relatóriu ne'e hatudu katak kapitál Fundu nian iha trimestre ikus ne'e mak \$16,6.

Relatóriu ne'e mós hatudu katak totál reseitas mak simu hamutuk millaun \$522,35 ne'ebé kompostu housi kontribuisaun kontribuinte sira ba Fundu hamutuk millaun \$194,55, pagamentu *royalty* simu housi Autoridade Nasionál Petróleu (ANP) millaun \$320,64 no anual pipeline hamutuk millaun \$7,16 iha lora 30 fulan Setembru tinan 2014.

Rendimentu housi investimentu Fundu nian ne'e hamutuk millaun -\$225,33 kompostu housi kupaun no jurus ne'ebé simu mak millaun \$44,67 no mudansa iha valór merkadu nian millaun (\$270,00) iha lora 30 fulan Setembru tinan 2014. Ne'e rezulta rendimentu ba karteira Fundu nian durante trimestre ne'e porsentu (1,35 %) enkuantu rendimentu sasukat (*benchmark*) nian ba periodu ne'e mak porsentu (1,40 %).

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Banco Central de Timor-Leste jere ona portofoliu besik liu ho pontu referensia iha trimestre dala Tolu Nulu resin hitu dahuluk. Diferensia entre portofoliu no pontu referensia hahú housi inísiu fundus nian mak pontu baze 3 (0,03%).

Pontu importante housi Relatóriu Trimestre ba dala XXXVII, ne'ebé kobre período 01 Julhu 2014 to'o lora 30 fulan Setembru tinan 2014, inklui:

- Kapitál Fundus nian mak billaun US\$16,6.
- Osan kontadu brutu fundus nian tama housi kontribuisaun kontribuinte, realeza (*royalties*) hamutuk millaun US\$522,35
- Osan kontadu liquidu ne'ebé sai housi Fundu durante trimester hamutuk millaun US\$345,35 kompostu housi \$mialun 340 transfere ba Orsamentu Estadu no milaun \$5,35 kobre kustus jestaun nian.
- Reseitas likidus durante trimester ne'e hamutuk millaun US\$177.
- Rendimentu portofoliu iha periodu ne'e mak porsentu (1,35 %) kompara ho rendimentu referensia mak porsentu (1,40 %).

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor- Leste nian www.bancocentral.tl

Dili, 7 Novembru 2014

Venancio Alves Maria
Diretór Ezekutivu
Jestaun Fundus Petróleu
Banco Central de Timor-Leste

BANCO CENTRAL DE TIMOR-LESTE

Avenida Bispo Medeiros
P.O.BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: [info\(at\)bancocentral.tl](mailto:info(at)bancocentral.tl)